

BOSNA I HERCEGOVINA
Fedaracija Bosne i Hercegovine
TUZLANSKI KANTON
Ministarstvo za boračka pitanja
T U Z L A

IZVJEŠTAJ O RADU

Ministarstva za boračka pitanja Tuzlanskog kantona
za period 01.01.2010. - 31.12.2010. godine

Tuzla, januar 2011. godine

Izveštaj o radu

Ministarstva za boračka pitanja Tuzlanskog kantona za period 01.01.2010. - 31.12.2010. godine

Uvod

Izveštaj o radu Ministarstva za boračka pitanja Tuzlanskog kantona za period 01.01.-31.12.2010. godine, podnosi se Vladi Tuzlanskog kantona (u daljem tekstu Vlada Kantona), na osnovu Programa Vlade Kantona za 2010. godinu.

U izvještajnom periodu, Ministarstvo za boračka pitanja Tuzlanskog kantona (u daljem tekstu: Ministarstvo) svoj rad je temeljilo na provođenju, državnih, federalnih i kantonalnih zakona iz oblasti koje su u nadležnosti Ministarstva, prevashodno u primjeni federalnih propisa o pravima branilaca, porodicama šehida -poginulih boraca (u daljem tekstu: PŠ-PB), ratnih vojnih invalida (u daljem tekstu: RVI), dobitnika najviših ratnih priznanja i odlikovanja (u daljem tekstu: DNRP) i demobilisanih branilaca (u daljem tekstu: DB), kao i kantonalnih propisa kojima se reguliše ova oblast.

Organizacija i djelokrug rada

Ministarstvo vrši upravne i druge stručne poslove koji se, između ostalog, odnose i na ostvarivanje prava iz oblasti boračko-invalidske zaštite za lica sa područja Tuzlanskog kantona (u daljem tekstu: Kanton), koja im pripadaju po osnovu zakonskih, podzakonskih i drugih provedbenih propisa.

Prema Pravilniku o unutrašnjoj organizaciji, Ministarstvo je organizovano u dva odjeljenja i to:

1. Odjeljenje za ekonomsko – finansijske, pravne i opće poslove i
2. Odjeljenje za pravne, socijalno – statusne i informativne poslove.

Sa 31.12.2010. godine u Ministarstvu je bilo ukupno uposleno, 17 službenika i namještenika, od čega: ministar, osam službenika i osam namještenika.

Normativno – pravna djelatnost

U izvještajnom periodu, u cilju implementacije Zakona o dopunskim pravima branitelja i članovima njihovih obitelji (u daljnjem tekstu: kantonalni Zakon) i Odluke o proširenom obimu prava iz oblasti zdravstvene zaštite branitelja i članova njihovih porodica (u daljnjem tekstu: kantonalna Odluka), pristupilo se donošenju novih i prilagođavanje ranijih provedbenih propisa. U navedenom periodu doneseni su sledeći zakonski, podzakonski i provedbeni akti, kako slijedi:

1. Zakon o izmjenama i dopunama Zakona o dopunskim pravima branitelja i članova njihovih obitelji („Službene novine Tuzlanskog kantona“, broj: 8/10),
2. Odluka o uslovima, kriterijima i postupku za dodjelu beskamatnih kreditnih sredstava za pomoć u stambenom zbrinjavanju branitelja i članova njihovih porodica na području Tuzlanskog kantona (“Službene novine Tuzlanskog kantona”, broj: 14/10),
3. Uredba o izmjenama i dopunama Uredba o utvrđivanju uslova, kriterija i postupka za odobravanje finansijskih sredstava za pomoć u rješavanju stambenih potreba braniteljima i

članovima njihove porodice na području Tuzlanskog kantona, prečišćeni tekst (“Službene novine Tuzlanskog kantona”, broj: 9/10 i 14/10),

4. Program korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2010. godini,
5. Odluka o izmjenama i dopunama Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2010. godini,
6. Odluka o izmjenama i dopunama Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2010. godini,
7. Program obilježavanja značajnih datuma, događaja i ličnosti na području Tuzlanskog kantona za 2010. godinu,
8. Odluka o dopunama Programa obilježavanja značajnih datuma, događaja i ličnosti na području Tuzlanskog kantona za 2010. godinu,
9. Odluka o utvrđivanju kriterija, uslova i postupka za raspodjelu sredstava predviđenih sa potrošačke jedinice 11010003-Manifestacije,
10. Program o rasporedu sredstava za 2010. godinu – Boračke organizacije i udruženja,
11. Odluka o utvrđivanju kriterija za raspodjelu sredstava za rad i aktivnosti kantonalnih udruženja boračke populacije predviđenih Budžetom TK za 2010. godinu,
12. Program korištenja bespovratnih novčanih sredstava za pomoć u stambenom zbrinjavanju korisnika prava iz oblasti boračko - invalidske zaštite Tuzlanskog kantona u 2010. godini,
13. Program korištenja sredstava za dodjelu beskamatnih kredita kao pomoć u stambenom zbrinjavanju korisnika prava iz oblasti boračko - invalidske zaštite Tuzlanskog kantona u 2010. godini,
14. Odluku o izmjenama i dopunama Programa korištenja sredstava za dodjelu beskamatnih kredita kao pomoć u stambenom zbrinjavanju korisnika prava iz oblasti boračko - invalidske zaštite Tuzlanskog kantona u 2010. godini,
15. Programa korištenja sredstava za dodjelu stipendija braniteljima i članovima njihovih porodica u 2010. godini,
16. Odluku o izmjenama i dopunama Programa korištenja sredstava za dodjelu stipendija braniteljima i članovima njihovih porodica u 2010. godini
17. Odluka o utvrđivanju uslova, kriterija i postupka za učešće u izgradnji spomen obilježja poginulim pripadnicima Oružanih snaga A R BiH na području Tuzlanskog kantona za 2010. godinu,
18. Pravilnik o izmjenama i dopunama Pravilnika o kriterijima i postupku za odobravanje jednokratne pomoći u slučaju smrti branioca Tuzlanskog kantona,
19. Pravilnik o izmjenama i dopunama Pravilnika o ocjenjivanju državnih službenika i namještenika u Ministarstvu za boračka pitanja Tuzlanskog kantona,
20. Pravilnik o izmjeni Pravilnika o kriterijima i postupku za odobravanje jednokratne pomoći braniocima i članovima njihovih porodica.

Implementacija Zakona o pravima branilaca i članova njihovih porodica

Zakonska revizija porodične i lične invalidnine, prema odredbama Zakona o pravima branilaca i članova njihovih porodica („Službene novine Federacije Bosne i Hercegovine“, broj: 33/04, 56/06 i 70/07, u daljem tekstu: federalni zakon), koja je započela 01.01.2005. godine, nastavljena je u kontinuitetu i 2010. godine.

U upravnom postupku za uvođenje u pravo korisnika lične i porodične invalidnine, voditelji upravnog postupka zakonske revizije, nailazili su i dalje na izvjesne probleme kod rješavanja istih, osobito kod velikog broja predmeta lične invalidnine, kod novih podnosioca

zahtjeva za priznavanje svojstva RVI gdje je i dalje nedostajala medicinska dokumentacija neophodna za ispravno rješavanje upravne stvari, obzirom da ista nije bila u skladu sa odredbama federalnog zakona, te pratećim podzakonskim aktima, a kod priznavanja prava na porodičnu invalidninu radilo se o neusaglašenosti ličnih podataka kao i nedostatka valjanih revizionih uvjerenja.

Predmet zakonske revizije bilo je 4654 zahtjeva porodične invalidnine, od čega je okončano 1900 predmeta. Preostalih 2754 predmeta, zaprimljeni su u Ministarstvu koncem 2010. godine, i u postupku su rješavanja, uz napomenu, da je zakonski rok za rješavanje 90 dana i isti će biti prioritetno riješeni u propisanom roku. Predmet zakonske revizije bilo je i 139 predmeta lične invalidne, od kojih je 82 predmeta okončano, a 57 predmeta je u postupku odlučivanja pred nadležnom ljekarskom komisijom Instituta za medicinsko vještačenje.

Novčane prinadležnosti po federalnom zakonu

Novčana primanja koja se isplaćuju, od 01.01.2005. godine, po federalnom zakonu, za RVI, kreću se od min 36,70 KM, do max 1733,90 KM za I grupu invalidnosti 100%, uključivo sa pravom na ortopedski dodatak I stepena i dodatak za njegu i pomoć od strane drugog lica I stepena, a za članove PŠ-PB od 110,10 KM do 477,10 KM.

Pregled broja korisnika po općinama, sa finansijskim pokazateljima za mjesec decembar 2010. godine.

Redni broj	Opština	Broj korisnika LI	Iznos	Broj korisnika PI	Iznos	Broj korisnika NOR-a	Iznos	Ukupn o korisni ka	Iznos
1.	BANOVIĆI	408	87.646,88	544	186.041,49	12	1.200,74	964	274.889,11
2.	ČELIĆ	238	43.361,41	196	64.813,14	20	2.369,65	454	110.544,20
3.	DOBOJ-ISTOK	261	56.228,69	267	95.884,08	12	1.178,43	540	153.291,20
4.	GRAČANICA	417	96.058,37	638	203.700,31	48	4.543,60	1103	304.302,28
5.	GRADAČAC	668	142.705,02	828	284.499,74	36	3.581,38	1532	430.786,14
6.	KALESIJA	556	112.439,32	743	261.491,26	31	3.490,82	1330	377.421,40
7.	KLADANJ	262	41.220,98	367	129.893,80	9	866,89	638	171.981,67
8.	LUKAVAC	563	121.716,39	1114	427.703,26	30	3.937,41	1707	553.357,06
9.	SAPNA	290	58.014,88	641	223.975,97	13	963,40	944	282.954,25
10.	SREBRENİK	435	91.635,73	1343	538.219,78	49	6.606,77	1828	636.462,28
11.	TEOČAK	191	49.278,90	259	83.930,81	8	494,42	458	133.704,13
12.	TUZLA	1788	386.208,80	2301	827.579,98	157	14.536,41	4246	1.228.325,19
13.	ŽIVINICE	702	136.572,53	1432	557.495,37	41	2.842,68	2175	696.910,58
	UKUPNO	6779	1.423.087,90	10674	3.885.228,99	466	46.612,60	17919	5.354.929,49

Zakon o dopunskim pravima branitelja i članova njihovih porodica

Skupština Kantona je marta 2007. godine usvojila kantonalni Zakon, a jula 2007. godine usvojila i kantonalnu Odluku. Na osnovu navedenog kantonalnog Zakona i podzakonskog akta regulisana su dopunska prava branilaca i članova njihovih porodica na području Kantona.

Navedeni kantonalni Zakon pretrpio je u 2010. godine izmjene, u smislu uvođenja novog dopunskog prava, dodjela beskamatnih kreditnih sredstava za pomoć u rješavanju stambenih potreba, kao i proširenje kruga korisnika prava za troškove dženaze-sahrane umrlih branioca i članova njihovih porodica.

Sve izmjene i dopune postojećeg kantonalnog Zakona, usvojene su po skraćenom postupku, a iste su rađene uz saglasnost kantonalnih boračkih saveza i uz aktivno učešće poslanika Skupštine Kantona.

Zdravstvena zaštita

Zdravstvena zaštita za borce i članove njihovih porodica, se provodi kao primarna, specijalističko - konsultativna i bolnička, bez ličnog učešća osiguranih lica u troškovima korištenja zdravstvene zaštite i liječenja na području Kantona.

Zaključno sa 31.12.2010. godine ovim vidom zaštite obuhvaćeno je 5787 korisnika.

Odredbama kantonalnog Zakona predviđeno je kao dopunsko pravo i plaćanje premije osiguranja („markice“) osiguranim licima. U Ministarstvu su navedene aktivnosti, okončane u propisanim rokovima. U izvještajnom periodu premijom osiguranja obuhvaćeno je 64.711 korisnika prava iz oblasti boračko invalidske zaštite.

Zaključno sa 31.12.2010. godine, Ministarstvo je od općinskih službi zaprimilo 796 predmeta obaveznog zdravstvenog osiguranja.

U postupku upravnog nadzora za 581 predmet data je saglasnost, dok je poništeno i vraćeno na ponovni postupak 215 predmeta.

Ortotsko – protetska pomagala

Na osnovu kantonalnog Zakona i kantonalne Odluke, utvrđeno je pravo na ortotsko – protetska pomagala za RVI, a koja služe za funkcionalnu i estetsku zamjenu izgubljenih ekstremiteta, radi poboljšanja sposobnosti za svakodnevne aktivnosti i rad, odnosno omogućavanja nesmetanog korištenja preostalih funkcionalnih dijelova tijela i organa, radi umanjenja efekta barijera u normalnom funkcionisanju.

U izvještajnom periodu podnešeno je ukupno 95 zahtjeva, za izradu proteza za gornje i donje ekstremiteta od čega je pozitivno riješeno 93 zahtjeva, a 2 zahtjeva odbijena radi neispunjavanja zakonom utvrđenih uslova. Takođe, podnijeto je i 289 zahtjeva za ortopedsku obuču od čega je pozitivno riješeno 287 zahtjeva, a dva zahtjeva su negativno riješeno. U izvještajnom periodu podnijeto je i devet zahtjeva za izradu očnih proteza i svi zahtjevi su pozitivno riješeni, kao i 140 zahtjeva za ostala pomagala, koja su odobrena po svim podnijetim zahtjevima. Podnijeto je i 28 zahtjeva za korekciju proteza, od čega je pozitivno riješeno 26 zahtjeva, a dva zahtjeva su odbijena, radi neispunjavanja zakonom utvrđenih uslova.

Pravo na nabavku invalidskih kolica po mjeri ostvarila su 32 RVI, osobe sa posebnim potrebama, a o potrebi istih odlučivao je ovlašteni ljekar – specijalista, na osnovu odgovarajuće medicinske dokumentacije.

Higijensko – sanitetski materijal

Na osnovu odredaba kantonalnog Zakona i kantonalne Odluke, RVI 100% I grupe – osobe sa paraplegijom, imaju pravo na obezbijeđenje higijensko-sanitetskog materijala u skladu sa posebnim Projektom-programom zbrinjavanja i edukacije RVI 100% I grupe – osoba sa paraplegijom, za svaku kalendarsku godinu.

U izvještajnom periodu, Ministarstvo je za 34 RVI 100% I grupe – osoba sa paraplegijom vršilo, kvartalnu, nabavku higijensko – sanitetskog materijala.

Banjsko - klimatsko liječenje, obezbijedenje lijekova koji nisu obuhvaćeni esencijalnom listom i naknada putnih troškova kod liječenja u BiH i inostranstvu

U skladu sa odredbom kantonalnog Zakona i Odluke, RVI, DNRP i nositelj „Partizanske spomenice 41“, imaju pravo na medicinsku rehabilitaciju u banjsko-klimatskom lječilištu.

U periodu od 01.01. do 31.12.2010. godine, Komisija pri Ministarstvu razmatrala je 269 zahtjeva, te od tog broja 174 pozitivno riješila, a 95 zahtjeva odbacila kao neosnovano, radi neispunjavanja zakonom propisanih uslova.

U skladu sa odredbom kantonalnog Zakona, Odluke i Pravilnika o kriterijima i postupku za odobravanje lijekova, RVI uz adekvatnu medicinsku dokumentaciju, imali su pravo besplatno na sve lijekove, sanitetski materijal i dezinfekciona sredstva, koji su registrovani na teritoriji FBiH, a neophodni su za liječenje povreda, rana, ozlijeđa, bolesti ili pogoršanja bolesti, zadobijenih u toku služenja u OS BiH.

U izvještajnom periodu razmatrano je ukupno 683 zahtjeva. Komisija je 662 zahtjeva pozitivno riješila, a 21 zahtjev odbacila je kao neosnovan, radi neispunjavanja zakonom propisanih uslova.

U skladu sa odredbom kantonalnog Zakona i Odluke, pravo na naknadu troškova radi liječenja ima član poginulog, umrlog, nestalog branitelja, RVI, DNRP, koji su radi ostvarivanja zdravstvene zaštite upućeni van mjesta prebivališta, na teritoriji BiH.

U izvještajnom periodu ukupno je podnešeno 114 zahtjeva za putne troškove.

Pozitivno je riješeno 113 zahtjeva, a jedan zahtjev je odbijen, radi neispunjavanja zakonom propisanih uslova.

Stipendiranje đaka i studenata

U skladu sa odredbom kantonalnog Zakona i podzakonskog akta, Odluke o utvrđivanju uslova, kriterija i postupka za dodjelu stipendija braniteljima i članovima njihove porodice, i u 2010. godini, okončan je postupak dodjele stipendija braniteljima i članovima njihovih porodica.

Programom korištenja sredstava za dodjelu stipendija braniteljima i članovima njihovih porodica planirana je dodjela stipendija za 235 kandidata po kategorijama, a pojedinačna stipendija je planirana u visini 70,00 KM za učenike i 120,00 KM za studente.

Konkurs za učenike objavljen je 30.08.2010. godine, a za studente dana 04.10.2010. godine.

Zaprimljeno je ukupno 4134 zahtjeva, od čega 2442 zahtjeva učenika i 1692 zahtjeva studenata.

Obradu i rangiranje zahtjeva vršila je komisija sastavljena od četiri predstavnika boračkih saveza i udruženja Kantona i tri službenika Ministarstva.

Liste redoslijeda kandidata utvrđene su na osnovu ostvarenog broja bodova po osnovu ostvarenog uspjeha, u prethodnoj školskoj godini, materijalnog položaja, socijalnog položaja, učešća u OS ARBiH, ratnih priznanja i odlikovanja, zdravstvenog stanja i osvojenih nagrada i plaketa, izuzev u kategoriji demobilisanih branilaca, gdje je izvršeno isključivo rangiranje učenika sa prosjekom 5,00.

Na ovaj način, rangirano je ukupno po 324 kandidata, po prijedlozima privremenih rang listi (na način i prema broju kandidata koji prolaze iz reda učenika kategorije demobilisanih branilaca).

Prijedlog privremenih rang listi za učenike utvrđen je 12.10.2010. godine .

Na Prijedlog privremenih rang listi za učenike bilo je izjavljeno ukupno 156 prigovora, od čega je uvaženo 20 prigovora, demobilisanih branilaca, tako da je na prijedlogu rang liste učenika iz reda demobilisanih branilaca, pravo na stipendiju ostvarilo ukupno 344 kandidata, od

čega su četiri kandidata odustala od stipendije u svrhu dodjele istih članovima porodičnog domaćinstva iz reda studenata.

Konačne rang liste za dodjelu stipendija učenicima i studentima objavljene su dana 20.12.2010. godine.

Konačan broj kandidata na rang listama učenika utvrđen je prema broju učenika sa prosjekom 5,00 iz kategorije demobilisanih branilaca, a što je uslovilo i izmjenu Programa korištenja sredstava za dodjelu stipendija braniteljima i članovima njihovih porodica, na način da je visina stipendije sa 70,00 KM smanjena na 51,00 KM, u cilju obuhvata svih kandidata koji ispunjavaju propisani uslov za ostavriavanje navedenog dopunskog prava.

Na konačnim rang listama za dodjelu stipendija **učenicima** rangirano:

- lista PŠ-PB rangirano 378 kandidata, a pravo na dodjelu stipendija ostvarilo 340 kandidata,
- lista RVI rangirano 504 kandidata, a pravo na dodjelu stipendija ostvarilo 340 kandidata i
- lista DB rangirano 340 kandidata, i pravo na dodjelu stipendija ostvarilo 340 kandidata i sa svim naprijed potpisani su ugovori o dodjeli stipendija .

Na konačnim rang listama za dodjelu stipendija **studentima** rangirano:

- lista PŠ-PB rangirano 279 kandidata, a pravo na dodjelu stipendija ostvarilo 222 kandidata,
- lista RVI rangirano 228 kandidata, a pravo na dodjelu stipendija ostvarilo 222 kandidata i
- lista DB rangirano 796 kandidata, i pravo na dodjelu stipendija ostvarilo 222 kandidata i sa svim naprijed potpisani su ugovori o dodjeli stipendija.

Analizom postojećeg podzakonskog akta, kao i brojem zahtjeva koji se povećava iz godine u godinu, postoji potreba izmjene navedenog propisa u pogledu nove organizacije postupka uz obavezno uvođenje imovinskog cenzusa i za korisnike koji bezuslovno imaju pravo na dodjelu stipendije, kao i planirati kompletnu isplatu sredstava u jednoj budžetskoj godini, putem općinske službe.

Rješavanje stambenih potreba boračke populacije Kantona

Navedeno dopunsko pravo, u izvještajnom periodu, odvijalo se u više segmenata, i to:

- a) dodjelom nepovratnih sredstava namjenjenih za pomoć u stambenom zbrinjavanju,
- b) aktivnostima za dodjelu beskamatnih kreditnih sredstava u svrhu stambenog zbrinjavanja i
- c) dodjelom stana u vlasništvo.

a) Dodjela nepovratnih sredstava namjenjenih za pomoć u stambenom zbrinjavanju

Konkurs za pomoć u stambenom zbrinjavanju branilaca i članova njihovih porodica raspisan je u periodu od 15.05. do 18.06.2010. godine, putem sredstava informisanja, te isticanje istih na oglasnim pločama Ministarstva i općinskih službi.

Dostavljanjem obrađenih zahtjeva, od Prvostepene stambene komisije iz općine Gradačac započeo je postupak nadzora Drugostepene stambene komisije, za dodjelu bespovratnih sredstava kao pomoć u stambenom zbrinjavanju, prema odredbama Uredbe o utvrđivanju uslova, kriterija i postupka za odobravanje finansijskih sredstava za pomoć u rješavanju stambenih potreba braniteljima i članovima njihove porodice na području Tuzlanskog kantona (u daljem tekstu: Uredba).

Drugostepena stambena komisija, je u radu nailazila na niz problema, od koji su najizrazitiji problemi u općini Kladanj i Tuzla. Naime, već više godina općina Kladanj, odnosno Prvostepena stambena komisija ima neodgovoran i indolentan odnos prema poslu za koju je imenovana, a što se ogleda u tome što zadatke propisane podzakonskim aktom, Uredbom, ne završava u rokovima utvrđenim Uredbom.

Osim problema sa Prvostepenom stambenom komisijom općine Kladanj, Drugostepena stambena komisija imala je izniman problem i sa Prvostepenom stambenom komisijom općine Tuzla, zbog čega je, u dva navrata, informisana i Vlada Kantona i Kolegij Skupštine Kantona.

Zahtjevi OSBIZ Tuzla i Koordinacije boračkih organizacija općine Tuzla kretali su se u pravcu izmjena Uredbe, nepoštovanja rokova i ultimativnog zahtjeva da se svim aplikantima sa preliminarnih rang listi odobre finansijska sredstva, i to u vrijeme kad je u svim općinama Kantona okončan postupak. To nezadovoljstvo iskazano je i pokretanjem zahtjeva OV Tuzla za zaštitu prava na lokalnu samoupravu, što je u konačnici rezultiralo presudom Ustavnog suda FBiH, kojom je utvrđeno da niti po jednom zahtjevu nije povrijeđeno pravo na lokalnu samoupravu općine Tuzla.

Na ovaj način nepotrebno je prolongiran postupak i konačan plasman sredstava, jedino za općinu Tuzla, jer su planirana finansijska sredstva za 2010. godinu u ostalih 12 općina u cjelosti utrošena.

Slijedi tabela sa svim relevantnim podacima o realizaciji zahtjeva za pomoć u stambenom zbrinjavanju u 2010. godini.

Pregled pomoći u stambenom zbrinjavanju po općinama i po kategorijama za 2010.godinu

Redni broj	Općina	PŠ-PB							RVI							DB							I-vo st.komisiji	Ukupna sredstva			
		Ukupno zapr.zahtjeva	Odb. I-st.komis.	Odb. II-st.komis.	Odbijj.nedost.sredst.	Pozitivno riješeno	Planirana sredstva	Raspoređena sredst.	Prelivanje sredstava	Ukupno zapr.zahtjeva	Odb. I-st.komis.	Odb. II-st.komis.	Odbijj.nedost.sredst.	Pozitivno riješeno	Planirana sredstva	Raspoređena sredst.	Prelivanje sredstava	Ukupno zapr.zahtjeva	Odb. I-st.komis.	Odb. II-st.komis.	Odbijj.nedost.sredst.	Pozitivno riješeno			Planirana sredstva	Raspoređena sredst.	Prelivanje sredstava
1	BANOVIĆI	15	14	0	0	14	59.400,00	18.000,00	41.400,00	22	15	-2	0	9	64.700,00	66.500,00	-1.800,00	54	30	11	0	13	83.700,00	123.300,00	-39.600,00	1.050,00	208.850,00
2	ČELIĆ	0	0	0	0	0	18.400,00	0,00	18.400,00	2	0	0	0	2	42.300,00	24.000,00	18.300,00	17	10	1	0	9	61.100,00	97.800,00	-36.700,00	600,00	122.400,00
3	D.ISTOK	7	2	1	0	4	27.900,00	32.000,00	-4.100,00	6	0	3	0	3	45.100,00	21.000,00	24.100,00	23	7	4	0	12	61.100,00	81.100,00	-20.000,00	650,00	134.750,00
4	GRAČANICA	17	4	11	0	2	67.500,00	17.800,00	49.700,00	26	12	6	0	8	67.800,00	66.180,55	1.619,45	96	28	43	7	18	135.100,00	186.419,45	-51.319,45	1.350,00	271.750,00
5	GRADAČAC	12	7	0	0	5	93.200,00	47.400,00	45.800,00	12	2	2	0	8	128.000,00	73.100,00	54.900,00	78	18	13	0	47	145.700,00	246.400,00	-100.700,00	1.850,00	368.750,00
6	KALESJA	15	6	4	0	5	83.300,00	25.000,00	58.300,00	20	10	5	0	5	97.400,00	72.500,00	24.900,00	64	40	0	0	24	87.100,00	170.300,00	-83.200,00	1.350,00	269.150,00
7	KLADANJ	15	9	9	0	0	41.200,00	0,00	41.200,00	16	6	4	0	6	44.900,00	45.000,00	-100,00	49	17	20	0	12	61.100,00	102.200,00	-41.100,00	750,00	147.950,00
8	LUKAVAC	32	3	22	0	7	127.000,00	120.000,00	7.000,00	5	1	3	0	1	101.500,00	6.000,00	95.500,00	74	11	40	0	23	127.000,00	229.500,00	-102.500,00	1.800,00	357.300,00
9	SAPNA	10	3	4	0	3	71.400,00	31.600,00	39.800,00	8	2	2	0	4	44.900,00	50.000,00	-5.100,00	42	13	15	0	14	89.400,00	124.100,00	-34.700,00	1.050,00	206.750,00
10	SREBRENİK	49	17	20	0	12	154.500,00	223.100,00	-68.600,00	10	2	6	0	2	78.800,00	10.200,00	68.600,00	38	14	13	0	11	111.400,00	111.400,00	0,00	1.750,00	346.450,00
11	TEOČAK	8	4	2	0	2	22.700,00	22.000,00	700,00	11	5	3	0	3	30.500,00	31.200,00	-700,00	26	8	8	0	10	61.100,00	61.100,00	0,00	600,00	114.900,00
12	TUZLA	33	28	2	0	3	276.800,00	42.000,00	234.800,00	31	22	2	0	7	330.600,00	92.663,30	237.936,70	168	122	17	0	29	324.700,00	324.215,26	484,74	4.650,00	936.750,00
13	ŽIVINICE	25	6	9	0	10	160.700,00	134.200,00	26.500,00	16	6	5	0	5	127.500,00	56.500,00	71.000,00	79	32	21	0	26	159.800,00	257.201,22	-97.401,22	2.250,00	450.250,00
	UKUPNO	238	103	84	0	67	1.204.000,00	713.100,00	490.900,00	185	83	39	0	63	1.204.000,00	614.843,85	589.156,15	808	350	206	7	248	1.508.300,00	2.115.035,93	-606.735,93	19.700,00	3.936.000,00

REKAPITULACIJA

Kategorija	Ukupno zarinjani zahtjevi	Odbij. zahtjevi od I-vo st. komisije	Odbij. zahtjevi od II-vo st. komisije	Odbijeni zahtjevi zbog nedost. sr.	Positivno riješeno	Planirana sredstva	Raspoređena sredstva	Prelivena sredstva drugim	Prelivena sredstva od drugih
PŠ-PB	238	103	84	0	67	1.204.000,00	713.100,00	563.600,00	-72.700,00
RVI	185	83	39	0	63	1.204.000,00	614.843,85	596.856,15	-7.700,00
DB	808	350	206	7	248	1.508.300,00	2.115.035,93	484,74	-607.220,67
UKUPNO	1231	536	329	7	378	3.916.300,00	3.442.979,78	1.160.940,89	-687.620,67
Sredst. I-vo st. komis.						19.700,00	17.405,61	0,00	0,00
UKUPNO						3.936.000,00	3.460.385,39	1.160.940,89	-687.620,67
Nerealizovano :							475.614,61		
Sredstava stambeni dio							473.320,22		
Sredstva I-vo st. komis.							2.294,39		

U izvještajnom periodu, nadzor je izvršen za kandidate koji su rangirani na listama od prvostepenih stambenih komisija, odnosno nadzor je izvršen u 695 predmeta aplikantata.

U postupku po prigovoru izvršen je nadzor i za određene predmete koji su od prvostepenih stambenih komisija neosnovano odbačeni, kao nepotpuni ili neosnovani.

Od navedenog broja obrađenih predmeta za 378 korisnika, iz sve tri boračke kategorije, su odobrene sredstva za pomoć u stambenom zbrinjavanju, uz napomenu da su planirana finansijska sredstva za 2010. godinu u 12 općina u cijelosti utrošena, izuzev u općini Tuzla, gdje je ostalo nerealizovano 473.221,44 KM.

Prema navedenom u redovnoj proceduri dodjele finansijske pomoći u stambenom zbrinjavanju boračke populacije za 2010. godinu, dodjeljeno je 3.460.385,39 KM.

Posebno analizom uočavamo da je postupak stambenog zbrinjavanja na prezentiran način pratio niz problema: „frizirani“ zapisnici i fotografije sa terena sačinjeni od prvostepenih stambenih komisija, netačno bodovanje, neuredno i nepotpuno vršenje popisa akata u predmetima, površno razmatranje navoda iz prigovora i nečitovanje po istim od prvostepenih stambenih komisija, što je uveliko usložnjavalo rad drugostepene stambene komisije.

Analizom postojećeg podzakonskog akta, kao i brojem podnešenih zahtjeva, u narednom periodu, neophodne su izmjene i dopune Uredbe, u pravcu preciziranja imovinskog cenzusa, sanacije stambenih objekata i definisanje neuslovnih objekata za stanovanje i dr.

b) Dodjela beskamatnih kreditnih sredstava u svrhu stambenog zbrinjavanja

Izmjenama i dopunama kantonalnog Zakona, utvrđeno je i pravo na dodjelu beskamatnih kreditnih sredstava, u svrhu stambenog zbrinjavanja branilaca i članova njihovih porodica. Postupak izbora poslovne banke, preko koje bi se vršio plasman beskamatnih kreditnih sredstava, započeo je oktobra 2010. godine i do danas nije okončan, jer se na tender javila samo jedna poslovna banka, tako da nisu ispunjeni uslovi za zaključivanje ugovora sa poslovnom bankom, iz Zakona o javnim nabavkama u BiH.

c) Dodjela stana u vlasništvo

Odredbama kantonalnog Zakona, kao jedno od dopunskih prava utvrđeno je i pravo na dodjelu stana u vlasništvo braniocima i članovima njihovih porodica, pod uslovom da nemaju riješene stambene potrebe na području BiH. Shodno odredbama Pravilnika, donijetim uz saglasnost Vlade

Kantona, Ministar je imenovao Komisiju koju sačinjavaju po jedan predstavnik iz Saveza porodica, šehida- poginulih boraca i Saveza ratnih vojnih invalida, kao i tri predstavnika Ministarstva.

Komisija je i u izvještajnom periodu provodila proceduru po Pravilniku, ali problem za intenzivniji rad predstavljala je činjenica da određeni broj stanova u Tuzli, Živinicama, Kalesiji, Lukavcu, Gračanici i Kladnju koji se trebaju dodijeliti u vlasništvo, nisu uknjiženi na Kanton, te se najveći dio aktivnosti ovoga organa odnosio upravo na postupak uknjižavanja predmetnih jedinica na Kanton.

U prethodnom periodu, na taj način, izvršena je uknjižba stambenih jedinica u Tuzli i Gračanici i nakon provedene procedure, na osnovu Odluke Vlade Kantona, stanovi su dodijeljeni u vlasništvo braniteljima i članovima njihovih porodica.

U izvještajnom periodu, takođe, velike aktivnosti su se vodile na uknjižavanju dva stana (po jedan u Lukavcu i u Kalesiji) na Kanton, a u svrhu dodjele istih kandidatima koji ispunjavaju uslove. Navedene aktivnosti su okončane i stanovi su uknjiženi na Kanton, a trenutno je u toku postupak dodjele stanova kandidatima, koji ispunjavaju propisane uslove.

Potrebno je istaći da su se svi troškovi uknjižbe predmetnih stanova na Kanton regulisali iz sredstava Ministarstva planiranih u Programu korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko invalidske zaštite Tuzlanskog kantona u 2010. godini.

Realizacija Projekta podizanja jedinstvenih spomen obilježja poginulim pripadnicima Armije RBiH i MUP-a na području Kantona za poginule i naknade troškova podizanja nišana – nadgrobnog spomenika

U izvještajnom periodu nastavljena je realizaciju Projekta, o čemu je Vlada Kantona upoznata posebnom informacijom, sa napomenom da su u 2010 godini urađena i postavljena dva jedinstvena spomen obilježja za DNRP i 13 refundacija – naknada za izgradnju nišana – nadgrobnih spomenika, koje su realizovale porodice poginulih branilaca.

Pomoć u slučaju smrti

Kantonalnim Zakonom je predviđeno da u slučaju smrti lica iz člana 1. stav (1) kantonalnog Zakona i nosioca „Partizanske spomenice 1941“, član porodice sa kojima je umrli živio u zajedničkom domaćinstvu, u vrijeme smrti, ima pravo na novčanu pomoć, najmanje u visini prosječne mjesečne neto plaće isplaćene u F BiH (792,08 KM), u prethodnoj godini, a propisom Ministarstva utvrđeni su uslovi i postupak za ostvarivanje navedenog prava.

Analizom postojećeg provedbenog akta ukazala se potreba za izmjenom kantonalnog Zakona, na način da se proširi kruga korisnika prava za troškove dženaze-sahrane umrlih branioca i članova njihovih porodica.

U izvještajnom periodu riješeno je ukupno 511 zahtjeva, od čega je 412 zahtjeva riješeno pozitivno, šest zahtjeva odbijeno je zbog neispunjavanja propisanih uslova, a 93 zahtjeva su vraćeni na ponovni postupak.

Jednokratne pomoći

Odobranje jednokratnih pomoći obavlja komisija Ministarstva, na osnovu kantonalnog Zakona i Pravilnika o kriterijima i postupku za odobranje jednokratnih pomoći borcima – braniteljima i članovima njihovih porodica.

Pravo na jednokratnu pomoć imaju: članovi PŠ-PB, RVI i nezaposleni DB pripadnici OS BiH, koji su u ratu proveli najmanje jednu godinu, kao i učesnici II svjetskog rata na strani antifašističke koalicije.

U izvještajnom periodu riješeno je ukupno 1825 zahtjeva, od čega je pozitivno riješeno 1647 zahtjeva, a odbijeno 178 zahtjeva, radi neispunjavanja uslova po kantonalnom Zakonu i Pravilniku.

Kao dopunsko pravo kantonalnim Zakonom, predviđeno je i pravo na besplatne udžbenike za djecu branilaca koja pohađaju osnovno obrazovanje, u trogodišnjem ciklusu, od školske 2008./09. godine. Ovaj postupak prate određeni problemi, prije svega, uredno razduživanje upotrebljivih udžbenika, a što rješavamo u saradnji sa Ministarstvom obrazovanja, osnovnim školama i općinskim službama BIZ.

U izvještajnom periodu riješeno je ukupno 380 zahtjeva za nabavku udžbenika, pri čemu je zahtjev pozitivno riješen za 282 korisnika a 36 zahtjeva odbijeno, radi neispunjavanja uslova po kantonalnom Zakonu i Pravilniku.

Posebnom odlukom Vlade Kantona, za DNRP utvrđeno je jednokratno novčano primanje u iznosu od 95 do 475 KM, u ovisnosti od vrste ratnog priznanja i odlikovanja: Navedeno pravo utvrđeno je za ukupno 454 korisnika.

Uredbom o kriterijima i postupku odobravanja finansijskih sredstava za liječenje branilaca i članova njihovih porodica utvrđena su finansijska sredstva za liječenje slijedećih bolesti: maligna oboljenja, akutne TBC, endemske nefropatije, hirurških intervencija na srcu i mozgu, svih vrsta degenerativnih oboljenja centralnog nervnog sistema, mišićnog sistema i paralize. Rješavano je ukupno 267 zahtjeva, od čega je pozitivno riješeno 214, a odbijeno 53 radi neispunjavanja uslova.

Drugostepeni upravni postupak

Broj izjavljenih žalbi u toku izvještajnog perioda iznosi 999, od čega je odbačeno 10 žalbi, odbijeno 797 žalbi, a 192 žalbe su uvažene kao osnovane.

Broj upravnih sporova koji nisu okončani do kraja izvještajnog perioda iznosi 48.

U upravnom postupku – nadzoru, evidentirano je 3652 predmeta, od čega je data saglasnost u 2711 predmeta, odbijeno je 546 predmeta, izmjenjena su 83 prvostepena rješenja, a u 308 predmeta poništeno je prvostepeno rješenje i predmeti vraćeni prvostepenom organu na ponovni postupak, dok je za četiri predmeta postupak obustavljen.

Program obilježavanja značajnih datuma, događaja i ličnosti na nivou Kantona

Na osnovu odredaba kantonalnog Zakona, boračke organizacije Kantona, koje organizuju sportska takmičenja i manifestacije povodom obilježavanja Dana OS RBiH i drugih datuma koje utvrđuje Vlada Kantona, imaju pravo na participaciju troškova, a visinu participacije utvrđuje Ministarstvo, na osnovu Programa koga donosi Vlada Kantona.

Programom obilježavanja značajnih datuma događaja i ličnosti na području Kantona, definisani su datumi događaja i ličnosti od značaja za Kanton, F BiH i državu BiH.

Invalidski sport

Pravo na sufinansiranje imaju sportski savezi, organizacije-udruženja, košarkaški invalidski klubovi sa područja Kantona, pod uslovom da su u funkciji afirmacije sporta invalidnih lica.

U vezi sa navedenim, Ministarstvo sufinansira slijedeće saveze i udruženja, i to :

- Savez sjedeće odbojke TK;
- Savez za sport i rekreaciju invalidnih lica TK;
- Košarkaški invalidski klub "Veterani" Tuzla;
- Košarkaški invalidski klub "Zmaj" Gradačac.

Pregled finansiranja dopunskih prava

Budžetska 2010. godina, zbog poznatih objektivnih okolnosti, započela je u veoma složenim uslovima, kako zbog nedovoljnog punjenja Budžeta a obzirom ekonomsku krizu, Vlada Kantona, na

sjednici održanoj 29.12.2009. godine, donijela je je Odluku o privremenom finansiranju Tuzlanskog kantona za period 01.01.2010. godine do 31.03.2010. godine.

I pored evidentnih problema, Vlada Kantona, na prijedlog Ministarstva, u okviru Zakona o Budžetu Tuzlanskog kantona za 2010. godinu, utvrdila je Program korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko invalidske zaštite u 2010. godini, prema kojem je za realizaciju dopunskih prava predviđenih za 2010. godinu bilo planirano 13.075.700,00 KM.

U skladu sa raspoloživim sredstvima u oskudnim operativnim planovima za sva četiri kvartala 2010. godine, a nakon izmjena i dopuna Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko invalidske zaštite u 2010. godini i Rebalansa budžeta, a u skladu sa dinamikom punjenja budžeta, do 31.12.2010. godine Ministarstvu je bilo operativno ukupno, rebalansom planiranih 12.075.700,00 KM.

Iz priložene Tabele koja slijedi, vidi se da je izvršenje dopunskih prava ostvareno sa 8.718.703,93 KM ili 72 % u odnosu na planirana sredstva. Ovaj procenat izvršenja bio bi daleko veći da se uspio aktivirati program realizacije beskamatnih kreditnih sredstava kao pomoć u stambenom zbrinjavanju koji je za 2010. godinu iznosio 2.400.000,00 KM. Kako smo već naveli, navedeni Program nije uspio zbog neispunjavanja uslova za zaključenje ugovora sa poslovnim bankom, prema odredbama Zakona o javnim nabavkama BiH.

Tabelarni prikaz finansiranja dopunskih prava

	Broj projekta	OPIS	Rebalans	Izvršenje 2010	INDEKS (5/4)
A		A) Zdravstvena zaštita, sanitetsko higijenski materijal i lijekovi	2.521.000,00	2.439.753,38	0,97
1	5026001	Obavezno zdravstveno osiguranje	800.000,00	780.579,89	0,98
2	5027001	Premija osiguranja	1.040.000,00	1.035.376,00	1,00
3	5013001	Lijekovi	70.000,00	64.160,47	0,92
4		Liječenje u inostranstvu	10.000,00	8.800,00	0,88
5	5014001	Ortopedska i druga pomagala	601.000,00	550.837,02	0,92
5.1.	5014002	ortopedska pomagala za gornje i done extremite	180.000,00	168.451,20	0,94
5.2.	5014003	ortopedska obuća za RVI	70.000,00	58.978,53	0,84
5.3.	5014004	Invalidska kolica	80.000,00	69.868,10	0,87
5.4.	5014005	očna protetika	5.000,00	965,00	0,19
5.5.	5014006	slušna pomagala	0,00	0,00	0,00
5.6.	5014007	aparati za omogućavanje glasnog govora	0,00	0,00	0,00
5.7.	5014008	endoproteze	0,00	0,00	0,00
5.8.	5014009	sanitetsko higijenski materijal	260.000,00	250.455,36	0,96
5.9.	5014010	ostala pomagala (aparati i trakice za šećer)	5.000,00	2.068,83	0,41
5.10.	5014011	pomagala za slijepo osobe	1.000,00	50,00	0,05
5.11.	5014012	stomatološko protetska pomagala	0,00	0,00	0,00
6	5011001	B) Banjsko i klimatsko liječenje	120.000,00	104.813,00	0,87
7		C) Preostala radna sposobnost	60.000,00	28.033,20	0,47
	5021001	ljekarske komisije	60.000,00	28.033,20	0,47
		profesionalna rehabilitacija	0,00	0,00	0,00
8	5029001	E) Stipendiranje učenika i studenata	1.200.000,00	1.180.490,00	0,98
9	5022001	F) Stambeno zbrinjavanje	6.756.000,00	3.854.801,63	0,57
		* Stambena nepovratna 2010	3.936.000,00	3.460.324,17	0,88
		* Stambena kreditna 2010	2.400.000,00	0	0,00
		* Program 13 x 24.000	312.000,00	312.000,00	1,00
		* Program 100% RVI	0,00	0,00	0,00

		* Subvencije kamata	0,00	0,00	0,00
		* Subvencije kamata 2004	50.000,00	46.956,31	0,94
		* Sudski postupci 2009.,	48.000,00	31.969,00	0,67
		* Nepredvid.izdaci i uknjižavanje stanova	10.000,00	3.552,15	0,36
10	5025001	H) JSO	30.000,00	1.989,00	0,07
	5025002	H) NAKNADA za podizanje nišana - nadgrobnog spomenika	10.000,00	6.550,00	0,66
		I) Pomoć u slučaju smrti (Dženaze)	400.000,00	322.444,06	0,81
11	5024001	K) Izdvajanja za dobitnike ratnih priznanja	194.000,00	193.789,00	1,00
12	5012001	M) Naknada troškova prijevoza	10.000,00	6.129,60	0,61
13	5023001	N) JNP za RVI, PPB i DB	200.000,00	160.820,00	0,80
	5023002	N) JNP za RVI, PPB i DB- UDŽBENICI	49.000,00	36.544,00	0,75
14	5028001	O) Obilježavanje značajnih datuma	40.500,00	40.500,00	1,00
	5031001	Invalidski sport	70.000,00	70.000,00	1,00
		DOPUNSKA PRAVA	11.660.500,00	8.446.656,87	0,72
15		Ostala izdvajanja za korisnike BIZ-a	415.200,00	272.047,06	0,66
	5032001	Pomoć djeci PB (kamp)	20.000,00	10.000,00	0,50
	5033001	Informacioni sistem (1.638,00 / kvartal)	10.000,00	6.552,00	0,66
	5034001	Ostala izdvajanja za RVI, PPB i DB	285.200,00	165.495,06	0,58
	5034001	Stručne komisije	70.000,00	42.509,22	0,61
		Rad komisija pri MBP	30.000,00	21.028,02	0,70
		Građevinar	40.000,00	21.481,20	0,54
	5034001	nepredviđena izdvajanja	50.000,00	10.885,84	0,22
	5034001	pomoć u liječenju u zemlji (duže liječenje)	150.200,00	97.100,00	0,65
	5035001	Izgradnja spomenika	100.000,00	90.000,00	0,90
		Korištenje Tekuće rezerve	0,00	0,00	0,00
		Grantovi F BiH (neplanirane donacije)	15.000,00	15.000,00	1,00
		UKUPNO	12.075.700,00	8.718.703,93	0,72

Informativno – analitički poslovi

Pored izrade godišnjeg programa i izvještaja o radu Ministarstva, u izvještajnom periodu slijedili su i mjesečni planovi rada, kao i periodične informacije, prema Vladi Kantona, o aktivnostima na provođenju i Kantonalnog zakona, prije svega, u oblasti stambene problematike.

Na osnovu Zakona o slobodi pristupa informacijama u FBiH ostvarena komunikacija sa Odsjekom za informisanje Vlade Kantona, kao inicijalni obim informacija i aktivnosti.

Saradnja sa kantonalnim udruženjima boračkim populacije

Odredbama člana 54. kantonalnog Zakona propisano je da Vlada Kantona odobrava sredstva za rad i aktivnosti kantonalnih udruženja boračke populacije od posebnog društvenog interesa, koje predstavljaju većinsko članstvo na Kantonu i u skladu sa posebnim propisom kojim utvrđuje visinu, uslov i postupak dodjele sredstava. Odlukom o utvrđivanju kriterija za raspodjelu sredstava za realizaciju programskih ciljeva boračkih organizacija i udruženja, propisani su opći i posebni kriteriji za sufinansiranje boračkih organizacija.

Za naprijed navedene aktivnosti, u skladu sa zakonskom regulativom i pored postojećih problema sa likvidnošću budžeta, vršen je redovan prenos sredstava neophodnih za rad saveza udruženja na području Tuzlanskog kantona.

U proteklom periodu izvršen je prenos planiranih sredstava za 2010. godinu i to kako slijedi iz tabele:

R.br.	OPIS	Plan 2010.g.	I -XII 2010
1	Savez organizacija porodica šehida i poginulih boraca TK	135.450,00	135.450,00
2	Udruga obitelji hrvatskih branitelja poginulih i nestalih u domovinskom ratu	25.200,00	25.200,00
3	Savez ratnih vojnih invalida TK	257.700,00	257.700,00
4	Udruga hrvatskih vojnih invalida domovinskog rata	28.350,00	28.350,00
5	Savez demobilisanih boraca TK	189.000,00	189.000,00
6	Jedinstvena organizacija boraca „Unija veterana“ TK	67.200,00	67.200,00
7	Udruga dragovoljaca i veterana domovinskog rata "HVO Soli"	7.455,00	7.455,00
8	Udruga demobiliziranih branitelja "115 Zrinski" HVO brigada dom . rata	6.405,00	6.405,00
9	Savez boraca Patriotske lige TK	45.150,00	45.150,00
10	SABNOR TK	31.470,00	31.470,00
11	Savez dobitnika najvećih ratnih priznanja i odlikovanja TK	60.900,00	60.900,00
12	Savez logoraša TK	13.020,00	13.020,00
	UKUPNO	867.300,00	867.300,00

Boračke organizacije i udruženja, u izvještajnom periodu, su finansirane u cijelosti u odnosu na planirana sredstva.

ZAKLJUČAK

Nastaviti realizaciju programskih zadataka u skladu sa obavezama koje proističu iz zakonskih i podzakonskih propisa i raspoloživim budžetskim sredstvima za 2011. godinu.

M i n i s t a r

Bahrija Mehurić